

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Sammelhandschrift - Cod. Lichtenthal 30

Bayern, [14. Jh.]

>Hie hebent sich an die sieben gab des hiligen geistes<

[urn:nbn:de:bsz:31-35066](https://nbn-resolving.org/urn:nbn:de:bsz:31-35066)

hie heben sich an di siben
gab des hiligen geistes.

Das sint di siben gab des
hiligen geistes di der mis-
sag ysayas benennet. **D**w
erst gab ist und heizet gotes
wilt. und ist aller selichait
ein an vanch. **D**w ander gab
ist und heizet minne. diu den
menschen ze allen ziten gut
und minnesam machet. **D**w
dritte gab heizet chynst. die
den menschen chynst reich an-
machet. das er werlich gut
reht nützen chan. und dar zu
in der werlt rich leben chan.
Dw vierde gab heizet sterck.
die den menschen zu got halet
und in vest und sterck machet.
in gelücke und in ungelücke
dar er von got nicht erschaidet.
Dw fünfte gab heizet rat.
die auch den menschen ver rih-
tet an gar hohen dingen und
an geistlichen dingen und an
grozzen sachen. so mit er alle
zit dar zu er welen chan
und sich vor allen freusen wol
hüten chan. **D**w sechste
gab heizet verstantichait.

diu lert den menschen wie er
got lautterlich an im selben.
und aller siner creatur erchen-
nen sol. **D**w siben gab ist
weishait mit der selben gab
liber sich got der sel. und git
ir zerkennen sin götlich löze
so mit die sel be ginner lobet
got von gantzem hertzen und
in auch gern minnen. und in
ze allen ziten dienen. **hie sint**
diu sechs werch der barmhertze

Es sint sechs werch der
barmhertze. di du haben solt
und got lobent und dir lonent.
Dw erst ist dar man zu den
sicken get und si sihet und si
auch tröster. **D**w ander ist
der den nachten chlandet.
Dw dritte ist der den gevan-
gen löset. **D**w vierde ist der
den toten begrebt oder heizet
begraben. **D**w fünfte ist der
den armen speiset od' trenchet.
Dw sechste ist der den ellenden
ze hause waiset und ist auch
beherwerget. **S**wer diu gebot
unfers herren behaltet schon
dem wir er geben zelon.
Dw himelischen chon.

